



Hapšenje zbog zločina u Glamoču

Pripadnici Državne agencije za istrage i zaštitu uhapsili su bivšeg pripadnika Vojske Republike Srpske Sekulu Babića zbog sumnje da je učestvovao u zločinima počinjenim u Glamoču, javlja BIRN.

Babić je uhapšen na području Banje Luke po naredbi državnog Tužilaštva, koje ga sumnjiči da je tokom oktobra 1992. u općini Glamoč učestvovao u zločinima počinjenim nad civilima Bošnjacima i Hrvatima.

Tužilaštvo BiH sumnjiči Babića da je učestvovao u ubistvima, nanošenju fizičke i psihičke patnje, kao i pljačkanju, te uništavanju imovine civilnog nesrpskog stanovništva sa područja Glamoča.